

ՋԱՐԵԿ ԱՔԵՂԱ ԿԱՔԱՂՅԱՆ

**ԹՈՐԳՈՄ ՊԱՏՐԻԱՐԺ ԳՈՒՇԱԿՅԱՆԸ
ԵԿԵՂԵՑԱԿԱՆ ԲԱՐԵԿԱՐԳՈՒԹՅԱՆ ՋԱՏԱԳՈՎ**

Թորգոմ Պատրիարք Գուշակյանը (1874-1939 թթ.) Հայոց Եկեղեցու պատմության նոր շրջանի նշանավորագույն հոգևոր գործիչներից է, ով իր պատմագիտական ու կրոնագիտական հետաքրքրությունների լայն շրջանակի մեջ քննության է առել նաև Եկեղեցու բարեկարգության խնդիրը: Այս հարցին նա պարբերաբար անդրադարձել է դեռևս 1920-ական թվականներից սկսյալ, ինչը պայմանավորված էր երկու հանգամանքով: Առաջինը Հայոց Մեծ եղեռնից հետո ստեղծված իրավիճակն էր, երբ հայ ժողովրդի զգալի մասը սփռվեց աշխարհով մեկ՝ կորվելով իր պատմական բնաշխարհից, որի վրա և որում կնքության ավանդական կերպի վրա էր խարսխված նաև Հայոց Եկեղեցու նվիրապետական կարգն ու ընդհանրապես ողջ կառույցը, որը փրկվեց ու գաղթական ժողովրդի հետ հիմա հայտնվել էր միանգամայն այլ իրավիճակում, իսկ երկրորդը ժամանակի թելադրանքն ու պահանջն էր:

Եկեղեցական բարենորոգության հարցը ազգային-եկեղեցական կյանքում արձարծվել և ժամանակի հասարակական ու կրոնական պարբերականներում սկսվել է քննարկվել դեռևս անցյալ դարի կեսերից: 20-րդ դարի սկզբից այս հարցին անդրադարձել են նաև Ազգային-Եկեղեցական ժողովները: 1906 թ. գումարվում է ռուսահայոց կենտրոնական ժողովը, սակայն այն չհասցրեց որևէ որոշում ընդունել, քանի որ փակվեց ցարական իշխանությունների պահանջով:

Ընդառաջելով փարբեր թեմերի ու հոգևորականների դիմումներին՝ Գևորգ Ե Մուրեյանցը 1917 թ. Մայր Աթոռում հրավիրում է ռուսահայ հոգևորականության խորհրդակցական ժողով, որին մասնակցում են 67 պատվիրակներ: Նրանք բերել էին նաև իրենց թեմերի և համայնքների առաջարկությունները: Մի քանի օր փրկած ժողովում քննարկվում են բազմաթիվ հարցեր, այդ թվում և՛ բարեկարգության, որի համար ընտրվում է մի հատուկ հանձնաժողով: Վերջինիս հանձնարարվում է հավաքել և ի մի բերել բարեկարգությանը վերաբերող բոլոր նյութերն ու առաջարկությունները և դրանք մշակել համապատասխան դասակարգմամբ ու խմբավորմամբ՝ ընդգրկելով նաև կարող ու գիտակ այլ ուժերի ևս: Հանձնաժողովի աշխատանքի ավարտվելուց հետո գումարվելու էր բարեկարգության խնդրին

նվիրված Ազգային-Եկեղեցական ժողով, որը, սակայն, հնարավոր չեղավ հրավիրելու նախ՝ պարերագմական, ապա և՛ քաղաքական աննպաստ իրավիճակների պարճառով: Տեսնելով, որ ներկայացուցչական նման ժողովի գումարումը երկար ժամանակով կարող է ձգձգվել, Գևորգ Ե Կաթողիկոսը մի քանի կարևոր ու ժամանակի թելադրանքով ծնված հարցերի դիկտոնը մի քանի կարևոր ու ժամանակի թելադրանքով ծնված հարցերի մասին պահանջում է Երուսաղեմի և Կ. Պոլսի Պատրիարքների գրավոր պաշտոնական կարծիքներն ու եզրակացությունները և ապա հրապարակում հայրապետական հետևյալ կանոնական կոնդակները.

ա) 1922 թ. նոյեմբերի 11-ին՝ թ. 644, որով՝ արվում է այրի քահանաների կրկնամուսնությունը:

բ) 1922 թ. նոյեմբերի 11-ին՝ թ. 645, որով թույլատրվում են ազգակցական հինգերորդ և խնամիական չորրորդ աստիճանի պսակները և վերացվում ամուսնության վերաբերյալ հոգևոր ազգակցության բոլոր տեսակ արգելքները:

գ) 1923 թ. նոյեմբերի 9-ին՝ թ. 349, որով ընդունվում է նոր պատմարդ և պատվիրվում նրանով առաջնորդվել:

դ) 1923 թ. նոյեմբերի 9-ին՝ թ. 350, որով թույլատրվում է հայկական եկեղեցիներում ժամապաշտության ժամանակ երգեհոնի և երաժշտության գործածությունը:

Ներկայումս հայտնի շարունակելով այս աշխատանքները՝ 1923 թ. նոյեմբերի 24-ին Գևորգ Ե Կաթողիկոսն իր հաստատմամբ Մայր Աթոռում կազմում է «Հայոց Եկեղեցու բարենորոգության Կենտրոնական հանձնաժողով»: Հանձնաժողովի ունեցած նյութերը կենտրոնացվում են Գերագույն Հոգևոր Խորհրդի դիվանում¹: Բարեկարգության հարցը ընկնում է նաև 1932 թ. Ազգային-Եկեղեցական ժողովում: Վերջինիս, ինչպես նաև նախորդ տասնամյակների առաջարկությունների, կարծիքների և արված աշխատանքների ու մշակումների վրա հիմնվելով՝ Խորեն Ա Կաթողիկոսն իր անդրանիկ կոնդակում Հայ Եկեղեցու բարեկարգությունը և սահմանադրությունը ի նկատի ունենալով՝ անհրաժեշտ է գտնում շարունակել այն իրականացնելու գործը՝ «ըստ պահանջից և կարեաց նորոգել ժամանակի՝ կազմել նոր սահմանադրություն և բարեկարգել և նորոգել գինացեալ սովորութիւնս և կարգս, որը կարօտին սրբագրութեան»²:

Այնուհետև 1937 թ. օգոստոսի 1 թվակիր թիվ 417 կոնդակով Խորեն Ա Մոսկովյանը շեշտում է այս հարցի ընտանիքային կարևորությունը և ասում, որ կոնդակին կից ներկայացվող «Զեկուցումն Հայոց Եկեղեցու բարենորո-

¹ Այս շրջանի եկեղեցական բարեկարգության հարցի մասին տե՛ս Զատեն Առաջ քահանայ Արքումանեան, Ազգապատում, հր. Դ. Ա գիրք, Նիւ Եօքը, 1995, էջ 309 և Գեղամ սրկ. Մարտիրոսյան, Որվագիծ Հայ Եկեղեցու բարեկարգության պատմության, «Էջմիածին», 1998, Զ. էջ 133-141:

² «Միտն», 1933 թ., էջ 294:

գութեան մասին» խորագրված ծրագրի վերաբերյալ դիտողությունները, կարծիքներն ու առաջարկությունները Սփյուռքի թեմերից ուղարկվեն Թորգոմ Սրբազանին, և նա էլ դրանք, իր եզրակացությամբ հանդերձ, ներկայացնի Մայր Աթոռ՝ վերջնական խմբագրման և ընդունման համար³։ Թորգոմ Սրբազանը, «Միտում» տպագրելով կոնդակը և նրա աշխարհաբար թարգմանությունը և «Զեկուցումը», վերջինիս հաջորդող խմբագրականով զգուշացնում է, որ բարեկարգությանը «հարկ էր մօտենալ վերին աստիճանի զգուշութեամբ, զգաստ հոգով, լուրջ միջոցներով, երկխոսությամբ և իմաստութեամբ միանգամայն»⁴։ Նաև ավելացնում է, թե «Զեկուցումը» ամեն ինչ տնօրինած է իմաստութեամբ և համաձայն մեր Եկեղեցույ կանոնական ըմբռնումներու»։ «Միտնի» հաջորդող համարներում էլ առանձին խմբագրականներով, որոնց դիմելով ընդգծում է այս խնդրի կարևորությունը, անդրադառնում է զեկուցման մեջ բարձրացված և բարեկարգության ենթակա հարցերին՝ ըստ «Զեկուցման» թեմատիկ բաժանման և խմբավորման։

Թորգոմ Սրբազանի մնացյալ քարոզների և հոդվածաշարերի նման, այս խմբագրականները ևս ի մի հավաքելով, Երուսաղեմի միաբանությունը հրապարակում է առանձին մի գրքով, որպես չորրորդ հատորը «Ամբողջական երկերի»։ Այսպիսով, «Բարեկարգութիւն Նայաստանեայց Եկեղեցույ» վերնագրված «Ամբողջական երկերի» չորրորդ գիրքը ևս մեկ ամբողջական գործ չէ և ոչ էլ առանձին հոդվածների միացումը որոշակի խմբագրմամբ և գրքային ձևի մեջ ամփոփումով։

«Նօթ մը» խորագրի ներքո հրապարակվեցին, անդրադառնալով այս խմբագրականները մեկ գրքով տպագրելու անհրաժեշտությանը ու կարևորությանը, գրում են. «Իր կեանքի վերջալույսին գրուած յոթուածներու այս շարքը, որոնց մէջ կը ցոլանայ լուրջ և առողջ պահպանողական ոգի մը, որ ամենէն յատկանշական կողմերէն եղած է Նայաստանեայց Ս. Եկեղեցիին, կը յուսանք որ ո՛չ միայն հայ հաւատացեալին մէջ պիտի արծարծէ իր Եկեղեցին բարեկարգ տեսնելու իղծը, այլ նաև ապագային, եթէ երբեք երջանիկ օր մը գումարտի Ազգային-Եկեղեցական այն ժողովը, որ տարիներով ծնծուած այս խնդիրը իր գործնական հունին մէջ պիտի դնէ, իր կարևոր կշիռը պիտի ունենայ այդ հարցի կարգադրման գործին մէջ»⁵։

Նրապարակվեցին նաև «Իբրև յառաջաբան» խորագրի ներքո առաջաբանի փոխարեն գեղեղել են «Միտնի» 1937 թ. սեպտեմբերի խմբագրականը, որը գրված է Պ. Գևորգյանի (Կիպրոս) «Արև» օրաթերթում հրապարակած

³ «Միտն», 1937 թ., էջ 295։

⁴ Նույն տեղում, էջ 299։

⁵ Տ. Թորգոմ Պապրիաթք Գուշակեան, Ամբողջ երկեր, հտ. Դ, Բարեկարգութիւն Նայաստանեայց Եկեղեցույ, Երուսաղեմ, 1940, էջ 5։

մի հողվածաշարի առիթով: Այս հողվածաշարին Թորգոմ Սրբազանի փված բնորոշումում իսկ երևում է նրա վերաբերմունքը եկեղեցական բարեկարգության հանդեպ: Ասում է, որ իրեն հափկապես դուր է եկել հեղինակի այն միտքը, թե Եկեղեցու բարեկարգությունն ասելով պետք է հասկանալ եկեղեցականների պատրաստությունը իրենց ասպարեզի և կոչումի համար և ժողովրդի կրոնական դաստիարակության բարելավումը «այսինքն՝ ամբողջ ազգին քրիստոնեական կենսո՞րհի մշակումը իր Եկեղեցիին ճամբով»: Այսպիսով, բարեկարգությունը Թորգոմ Սրբազանի համար, ի փարբերություն այդ բառը Եկեղեցու ռեֆորմացիայի իմաստով գործածողների, ժամանակի հարափոփոխ ընթացքի մեջ Եկեղեցու և հոգևորականների կողմից հոգևոր կյանքի կազմակերպումն է և կրոնական պահանջումներին բավարարումը Եկեղեցու շրջագծում:

Հողվածի հենց սկզբում այս ըմբռնմամբ Եկեղեցու բարեփոխությունը համարում է ոչ թե ժամանակի առաջադրած պահանջ նվիրապետական կարգի և ծիսական արարողությունների փոփոխության, այլ այն միտքն է հայտնում, որ բարեկարգության խնդիրը այժմեական լինելուց առավել մշտական և հավերժական է. «Իր Եկեղեցիին զգացումն ունեցող ժողովուրդի մը համար ոչինչ անելի բնական է քան զայն իր հոգեկան և բարոյական կարիքներուն համընթաց և համապատասխան դրութեան մը մէջ տեսնելու իղծը»:

Մինչ Հայ Եկեղեցու բարեկարգության հարցի բնությանն անցնելը նախ շեշտում է, որ հակավոր է իրարից հստակորեն փարբերակել վերանորոգությունը և բարեկարգությունը: Առաջինը հայերենի վերածված ձևն է ֆրանսերեն *reformee* բառի, որը հաճախ նաև վերակազմություն է թարգմանվել: Նշում է, որ այդ բառը սկզբից ի վեր բողոքականության իմաստով է գործածվել մեր մեջ, իսկ բարեկարգությունը նշանակում է «եղած կարգին բարոք պահպանումը», գրեթե հոմանիշ կարգապահություն (*discipline*) բառին:

Այսպիսով, բարեկարգությունը երբեք ռեֆորմացիայի իմաստ չի ունեցել Թորգոմ Սրբազանի համար: Ասում է, թե վերանորոգության, ռեֆորմացիայի կողմնակիցները պահանջում են վերադառնալ քրիստոնեության առաջին դարերին, նախնական Եկեղեցու հավատքի և պաշտամունքի պարզությանը, որն, ըստ իրեն, հնարավոր չէ, քանի որ ժամանակը չի կարելի ետ դարձնել:

Այս հողվածում մեկ անգամ ևս նա շեշտում է, որ այսօրվա եկեղեցական կյանքն իր պաշտամունքային ծեսերով և ավանդությամբ ծնունդն է մեր նախնիների հոգևոր-իմացական թոփքի և իր ամբողջության մեջ մի սերտ ներդաշնակություն է կազմում, որի համար էլ «Մեր խորին համոզումն է թե, մեզի համար, Բարեկարգութիւնը մեր այդ ունեցածը իր բարոք վիճակին մէջ պահելու ջանադրութիւն միայն պէտք է ըլլայ»:

Որպեսզի այս բարեկարգությունը՝ կարգի բարվոք պահպանությունը, իբրև եկեղեցական կյանքի մշտադարձ մի ընթացք, հնարավոր լինի իրականացնել, անհրաժեշտ է, որ իր կոչումի և ասպարեզի գիտակցությունն ունեցող հոգևորականությունն ունենանք և մեզ ավանդված հոգևոր ժառանգությունը պահելու ունակ մի ժողովուրդ: Ահա այս պատճառով բարեկարգությունը ոչ թե բողոքական ռեֆորմացիայի իմաստով պետք է հարաբերվի եկեղեցու նվիրապետական կառույցը կազմող աստիճանների հետ, այլ ժողովրդի ու հոգևորականության: Ինչպես Թորգոմ Սրբազանն է գրում. «Բարեկարգության կարևորագույն տարրերն են եկեղեցականն ու ժողովուրդը. իսկ այդ երկուքը իրենց պարտականության բարձրության վրայ պահելու միջոցները՝ կղերին կրթությունը և ժողովուրդին կրոնական դաստիարակությունը»:

Իբրև ամառաբան դրված այս հոդվածից հետո հրապարակիչները գեղեցիկ են կաթողիկոսական կոնդակը, ապա «Զեկուցագրի» տարբեր կետերին, արժարժած խնդիրներին և հարցադրումներին նվիրված Թորգոմ Սրբազանի «Սիոնում» տպագրած խմբագրականները: Գրքի վերջում, որպես հավելված, բերված են 1932 թ. Ազգային-Եկեղեցական ժողովին և Խորեն Ա Կաթողիկոսին ուղղված Թորգոմ Սրբազանի երկու գրությունները, որոնցում այն միտքն է շեշտվում, թե ժողովրդի աստիճանական հեռացումն ու սատումը իր Մայր Եկեղեցուց պայմանավորված է ոչ թե ձեռք, ժամակարգության ու պաշտամունքի լեզվի բարդությամբ և անհասկանալիությամբ, այլ կրոնական ապրումի նվազմամբ, որն էլ իր հերթին արդյունք է հոգևորականների թերացման և իրենց վերապահված բարձրության վրա չգտնվելուն: Ըստ Թորգոմ Սրբազանի՝ ծիսա-արարողական ու լեզվական որևէ պարզեցում և համառոտում ժողովրդին եկեղեցի չի բերի և ոչ էլ կրոնական կենդանի ապրումի կմոլի, եթե չլինեն արժանավոր հոգևորականներ: Ներկաբար, ոչ թե եկեղեցին ու եկեղեցական արարողությունները պետք է փոխվեն, այլ եկեղեցականները:

Որ եկեղեցական բարեկարգության կենտրոնում ոչ թե եկեղեցին, այլ եկեղեցականները պետք է լինեն, Թորգոմ Սրբազանը լավագույնս արտահայտել է հիշյալ գրության ծավալուն, բայց և խորացված հետևյալ տողերում. «Երբ կրոնի ուսումը կը կորսնցնե իր հմայքը՝ անհմուտ դասախոսներու երեսն, երբ քրիստոնեական բնքը կը դադրի մեր եկեղեցիներուն ամենէն կենսունակ գործունե ըլլալը՝ շնորհիւ անկարող քարոզիչներու, երբ քահանաներուն կրթութեան գործը կը շարունակէ մատրնոյի մոռացութեան, երբ վարդապետներու պարտաստութեան և զարգացման կարևորութիւնը հեղհեղեղ չի շեշտուիլ աւելի շօշափելի արդիւնատրութեամբ մը, բարեկարգութիւնը կընայ այսօր իրականանալ՝ վաղը ոչնչանալու համար. վասնզի արժանատր պաշտօնեան միայն կընայ շարունակել և արդիւնատրել այնքան ջանքերով իրագործուելիք այս գեղեցիկ գործը»: Ահա այս պատճա-

ռով է «Նայ Եկեղեցույ բարեկարգութեան հիմնաքարը եկեղեցականներու պատրաստութեան ձեռնարկն է»:

Ազգային-Եկեղեցական ժողովից էինգ Կարի անց Երուսաղեմի Ամենապատիվ Պատրիարքը Եկեղեցու բարեկարգման հարցը և վերջինիս նվիրված «Զեկուցումը» քննում է մեկնակեղ ունենալով նույն այս ըմբռնումը: Սրբոս ներկայացնում ենք Նայրապետական կոնդակը, «Զեկուցումը» և դրանց նվիրված «Միտնի» խմբագրականները: Զանի որ խմբագրականները նույնպէս են ընթանում «Զեկուցման» շարադրանքին, ավելորդ կրկնաբարութուններից խուսափելու համար, «Զեկուցումը» և խմբագրականները առանձնաբար ներկայացնելու փոխարեն, Թորգոմ Սրբազանի հետնադրութեամբ՝ յուրաքանչյուր խմբագրականի հետ միաժամանակ անդրադառնում ենք նաև «Զեկուցման» համապատասխան հարվածին:

Առաջին խմբագրականը, որը գերեզման է Նայրապետական կոնդակին և «Զեկուցմանը» կից, ծանուցում է վերջիններիս մասին: Թորգոմ Սրբազանն իր հռովածաշարի առաջին իսկ հռովածում ուրախութեամբ է շեշտում այն կետը, որ «Զեկուցման» մեջ բարեկարգության կարևորագույն պայմաններից է հանդիսանում հոգևորականների կրթության և ժողովրդի կրօնական դաստիարակության հարցը: «Միտնի» այս համարում փայլագրելով Մայր Աթոռից սրացված հիշյալ երկու գրությունները՝ հույս է հայտնում, որ դրանք առաջ կբերեն «ժողովրդական սուրբ ոգևորութիւն մը և աշխատելու վերագարթումին, վերածաղկումին և վերականգնումին այն Նաստատութեան, որ մեր անմահ նախնիքներէն մեզի հրիտակեալած ամենէն մեծ և պատուական ժառանգութիւնն է»:

Երկրորդ խմբագրականը նվիրված է լուր օրերի ժամերգությանը: «Զեկուցման» մեջ այս մասին գրված է. «Վերացնել լուր օրերի ժամասացութիւնները, ինչպէս եղել է քրիստոնէական եկեղեցու մեջ մինչև երրորդ դարու վերջերը»: Թորգոմ Սրբազանը չի համաձայնում թե՛ նման կրճատմանը և թե՛ ընդունել այն փաստարկին, որ քրիստոնէական եկեղեցում վերջինս չի եղել մինչև երրորդ դարի վերջը: Ավելին, ասում է, որ առաքելական շրջանից է գոյություն ունեցել և երրորդ դարում քրիստոնէության դեմ ծավալված հալածանքների պատճառով է, որ առժամյա այն դադարել է: Պատմականորեն հիմնավորելով, որ դեռևս առաքելական շրջանից է ժամակարգությունը ամենօրյա եղել, այնուհետև անդրադառնում է այն հարցին, թե որքանով է պարզա՞ծ նման գեղջմամբ «Եկեղեցին, Աստուծոյ տունը, «տուն աղօթից», շաբթուան հինգ օրերուն վերածով լուսութեան և ամայութեան վայրի մը, որուն առջևէն մարդիկ առաւօր և երեկոյ անցնին ինչպէս շէնքի մը՝ որուն փակ դրան ելն ոտքայն են կապած սարդերը»:

Ասում է, որ եթե ամբողջության մեջ հնարավոր չէ կատարել ամենօրյա ժամասացությունները, ապա գոնե իր ամփոփ ձևի մեջ պետք է պահվի այն, որպեսզի երբ հայ հավատացյալը մտնի եկեղեցի, «վառ գտնէ կանթեղը Մ.

Մեղանին վրայ, պէտք է ընդունի աղօթքին, մաղթանքին, ընթերցուածներուն և օրհներգերուն ազդած հոգևոր սփտփանքը, կամ գէթ տեսնէ քահանան լոին, աղօթասույգ, բեմին կամ գրակային առջև»: Ի հաւելումն ավելացնում է, որ ոչ մի առաքելական և ավանդական հին Եկեղեցի իրեն թույլ չի տա Աստուծոյ փառքը լուր օրերին:

Նաջորդ երապարակումը նվիրված է ժամերգութեան կրճատմանը: Գրնում է, որ այսօրեւ ևս չի կարելի ծայրահեղութիւններէ մեջ ընկնել, ամբողջովին մերժելով, ինչպես լուր օրերի պարագայում, և ոչ էլ պնդել, թե անխաթար պէտք է կատարվի, համաձայն «Ժամագրքի»: Ըստ Թորգոմ Սրբազանի՝ ժամերգութեան երկու տեսակ է եղել՝ մեկը վանքերի համար, ուր կատարվել է ամբողջական և անխաթար կերպով, և երկրորդը՝ բնակավայրերի եկեղեցիներում, որտեղ կիրառվել է առավել համառոտված տարբերակը, և պէտք է հետևել բանավոր փոխանցմամբ մեզ ավանդված կրճատման տարբերակներին, որոնցում սղվել են սաղմոսների և շաբականների կանոնների տարբեր միավորները և հիմա էլ անհրաժեշտ է «ներշնչումի տեսակետով ամենէն գեղեցիկները պահելու և միշտ գրեթէ երկու տուն ունենալու պայմանաւ, իբրև փոխերգութեան տարրեր»:

Շեշտում է, որ ժողովուրդի համար կարևոր է ոչ թե ժամերգութեան կարճ կամ երկար, այլ «տպաւորիչ ու սրտագրաւ ըլլալը»: Այսինքն՝ ժամերգութեան առիթով ևս վերստին շեշտում է այն միտքը, որ ոչ թե Եկեղեցու կարգերն են հնացել և չեն համապատասխանում ժամանակին, այլ չկա եկեղեցական նախկին կենդանի ապրումը:

Ժամերգութեանը նվիրված այս խմբագրականն ավարտվում է ժամանակի ընթացումը բռնած և իրար հաջորդող սերունդների համար իբրև պարզամ հնչող հետևյալ խոսքերով. «Ոչ մէկ ժողովուրդ հարկադրուած է պահպանողական լինելու այնպէս և այնքան ինչպէս և որքան մենք»:

Եկեղեցական տոների պարագայում էլ «Ձեկուցումը» վերստին առաջարկում է կրճատումներ և տոների համախմբումներ կատարել, որն էլ իր հերթին հանգեցնելու էր «Տոնացույցի» վերախմբագրմանը: Ինքը, սակայն, տոների պարագայում ևս սխալ է համարում նախնական, քրիստոնեական առաջին դարերին վերադառնալու ձգտումը, քանի որ այդ դեպքում «Տոնացույցից» դուրս կմնան թե՛ Նայ Եկեղեցու տոների շարքը և թե՛ Տիրամօրն ու Խաչին նվիրված տոները, և «Նայ Եկեղեցույ տոնակարգէն ջնջուին իր ամենէն մաքուր և թանկագին խճապարկերներէն մին և միւսը, Տիրամօր դէմքը և Խաչին նկարը, ու ժամագիրքէն պատռուին այն տողերը, որոնք կանխագոյն ժամանակներէ ի վեր ոգեկոչել տուած են և ցարդ կուտան»:

Թորգոմ Սրբազանը գրնում է, թե ուր կ'յանք կա և աճումի օրերը, այնպէղ միշտ ընդլայնում և բարձրացում կա, և քրիստոնեականութեանը ամենապայծառի հանդիսարանն է այս իրաւութեան, որի համար էլ պէտք է անպարճառ նախնական, սկզբնական վիճակին վերադառնալ բարեկար-

գության համար: Ասում է, որ այսօր ոչ թե «Տոնացույցը» պետք է կրճատենք, այլ հակառակը՝ ավելացնենք նահապախության պսակին արժանացած և սրբակրոն կյանքով ապրած ուրիշ հայ Սրբերի հիշարարկները ևս:

Անհրաժեշտ է նաև նշել, որ ինչպես «Սուրբք և փոքրում», այնպես էլ այսօրեղ, Թորգոմ Սրբազանն անդրադառնում է հաճախ շահարկվող այն հարցին, թե ինչու մեր Եկեղեցու Տոնացույցում մեծ թիվ են կազմում օտար սրբերը: Վերսպին շեշտում է, որ օտար համարվող այդ սրբերը սրբերն են Ընդհանրական Եկեղեցու, քանի որ մեր Տոնացույցը կազմվել էր Եկեղեցիների բաժանումից առաջ, որը ևս մեկ վկայությունն է մեր Եկեղեցու ընդհանրական նկարագրի: Այս ընդհանրականությունը պահելու համար է, որ մեր Եկեղեցում 5-րդ դարից հետո գրեթե սրբեր չեն ներառվել, որպեսզի «ուրիշ եկեղեցիներու և մերինի միջև դառանաբանական պատճառներով գոյացած խրամը առելի չխորանայ. այս պատճառով եթե չենք կրցած նորեր առնել անոնցմե, չենք ուզած մերժել նաև արդեն առնուածները»:

«Մաշտոց» և «Ճաշոց» վերնագրված խմբագրականներում էլ նույն կերպ անպարզաճ և սխալ է համարում Մկրտության, Չեռնոգորության, Պսակի և այլ խորհուրդների փարբեր հափվածների կրճատումները՝ վերսպին շեշտելով, որ այսօրեղ եթե բարեկարգության անհրաժեշտություն կա, ապա այն պետք է վերաբերվի ոչ թե բուն ձեսին կամ ընթերցվածներին, այլ այն կատարողների կատարման կերպին և ներկաների պահվածքին ու վերաբերմունքին: Այսինքն՝ կրոնական կենդանի, ճշմարիտ ապրումի անհրաժեշտությունը ելակետ ունենալով, ձեսի պարագայում էլ, բնականաբար, կարևորում է կատարումը և արձագանքը՝ արարողությանը ներկա եղող ժողովրդի վերաբերմունքը, որ բարեկարգության կարիքը ոչ թե «հորհուրդներուն և անոնց կատարումին, այլ անոնց կատարիչներուն և ընկալուիչներուն մէջ պէտք է փնտրել»:

Կրճատման և համաժողովման ջարագովներին և կողմնակիցներին Թորգոմ Սրբազանը հիշեցնում է, որ ծիսական և մյուս արարողական ծավալուն հափվածներն արդյունք են ոչ թե հետագայի հավելումների և խճողումների, այլ կառուցիկ մի միություն են կազմում իրենց ամբողջության մեջ որպես առանձին գրքեր՝ Տոնացույց, Ճաշոց, Մաշտոց ու Ժամագիրք, որոնցում ներքին կապակցություն ունեն թե՛ փարբեր միավորները և թե՛ յուրաքանչյուր միավորի ենթամիավորները, որոնք փվյալ գաղափարի ու խորհրդի հոգևոր ստեղծագործական զարգացումն են ներկայացնում: Ինչպես ինքն է գրում. «Ոչինչ դիպումածական կը գտնես անոնց մէջ, ոչինչ՝ ավիպիոյ: Մէն մի ժամերգութիւն, մէն մի խորհուրդ պարզումն է մեծ զգացումի մը կամ մտածումի մը, որ կը սկսի իբրև փոթումով մը, և կը շարունակուի զգացումի յառաջփութական շարժումի մը մէջ մինչև որ կշռաւորուած խօսքի, երգի եւ խորհրդական շարժումներու ներգաշնա-

կուրծեան մէջէն, կարծես հեղեղներէ հասունացած, դուրս կուգայ իմաստը, հոգիին վրայ յաւեր բարոյացուցիչ ներգործութեամբ մը»:

Անթույլաբերելի համարելով «Եկեղեցւոյ խորհուրդներու բանական և արարողական կազմին», որոնք «սիւներն են մեր հաւատքին շէնքին», բարեկարգութեան անվամբ որևէ խախտում կատարելը, «Զեկուցման» հետևողութեամբ ճիշդ է համարում ծանր հիվանդաց, դժվարածին կնոջ, այսպիսիների և լուսնոտների, պատանու մազերը առաջին անգամ կտրելու համար սահմանված այս և համանման մի շարք կանոնները հանելը, որոնք արդեն իսկ չէին կատարվում և տեղ չէին գտել «Մաշտոցի» նոր հրապարակություններում:

Գրքում գեղեղված վեցերորդ հոդված-խմբագրականը նվիրված է հայ հոգևորականության ցենզի հարցին, որը շարունակ այնքան կարևորում էր Թորգոմ Սրբազանը: Ահա այս պատճառով, եթե մյուս հարցերում վիճելի կամ անընդունելի դրույթներ էր գտնում, այս մեկի կարևորությունն ու հրամայական անհրաժեշտությունն անվիճելի է համարում և ժամանակի թելադրանքով ամենակարևորներից մեկը մեր Եկեղեցու համար: Ինչպես ինքն է գրում. «Կ'ապրինք այնպիսի թուականի մը մէջ, ուր ոչ մէկ կրօնական կեանք չի կրնար շարունակուիլ, ոչ մէկ Եկեղեցի, մերինը մանաւանդ, չէ կարող տեսլ, եթէ չունի իր մէջ բարձրագոյն կրթութեամբ զօրացած հոգևորականներու կարևոր թիւ մը»:

Ասում է, որ հայ հոգևորականների պատրաստվածության հարցը մեր Եկեղեցու համար ոչ թե բարեկարգության, այլ գոյության խնդիր է:

«Զեկուցումը» և վերջինիս հետևողութեամբ Թորգոմ Սրբազանը անդրադառնում են նաև անցյալ դարից հայ իրականության մեջ բազմիցս քննարկված, չարչրկված և անգամ շահարկված կուսակրթության հարցին: Ինչպես Թորգոմ Սրբազանն է գրում՝ «Բարեկարգութիւն ըսելով լռել այդ հարցը կ'իմանան, իսկ անոր լուծման միակ կերպը կը նկատեն կուսակրթութեան ջնջումը»: «Զեկուցումը» ևս շեշտում է կուսակրթոն հոգևորականության կարևորությունը Եկեղեցու համար: Քանի որ այս հարցը «եկեղեցագիտական փոփոխութեամբ վարդապետական ըլլալէ առելի և առաջ, կարգապահական է», անդրադառնում է կուսակրթության առաջացման հանգամանքներին և պարմական զարգացմանը՝ գտնելով, որ փվյալ ժամանակահատվածում սխալ կլինեք փոխել իրավասությունների այն շրջանակը, որը գծված է ամուսնացյալ քահանաների և կուսակրթոն հոգևորականների համար: Անդրադառնալով այն իրողությանը, որ կուսակրթոն հոգևորականներից մասնը իրենց եկեղեցական բարձրության վրա չեն մնում՝ դարձյալ բարեկարգությունը որպես եղած կարգի բարվոք պահպանություն համարելով, առում է, որ նման հոգևորականներից պետք է ազատվել ու ձեռնադրվելիս ճիշդ ընտրություն կատարել և ոչ թե կուսակրթությունը ջնջել: Իբրև ասվածի ամփոփում և եզրակացություն՝ գրում է. «Ամուսնաւոր

քահանայությունը անհրաժեշտ է հայ Եկեղեցու կեանքին համար, իսկ ամուրի հոգևորականությունը՝ անոր գոյության պահպանության համար»:

Ամուսնական և ամուսնալուծական հարցերում ևս համաձայնում է «Զեկուցման» դրույթներին՝ միաժամանակ շեշտելով, որ հնարավորինս խիստ պետք է լինել ամուսնալուծության իրավունք տալու պարագային՝ «հակառակը անկարգության պիտի տաներ Եկեղեցին և ոչ թե բարեկարգության»:

Նոր տոմարի հարցը Թորգոմ Սրբազանը համարում է երկրորդական աստիճանի եկեղեցազուրաժան հարց, որի լուծումը ժամանակին է վերապահում:

Սքեմի վերաբերյալ «Զեկուցման» մեջ ասվում է. «Գերագույն Հոգևոր Խորհուրդը կարծում է, որ յարմար կը լինի պարտադրել հոգևորականության հոգևոր սքեմ կրել եկեղեցում, օրինակաբարությանների, պաշտօնական հանդեսների և հանգամանքների ժամանակ, որից դուրս արդեն ոեղաշխարհիկ սքեմ կրել»: Այս հարցի քննարկումը, ավելի ճիշտ՝ շահարկումը, մեր ազգային եկեղեցական կյանքում Թորգոմ Սրբազանը համարում է ցանկությունը այն մտայնությունը կրողների, ովքեր «բարեկարգություն ըսելով արդեն ուրիշ ոչինչ կը հասկնան բայց միայն հոգևոր երաժշտության տրուած համեմատյալ շողողանք, ամուրիության ջնջում և քահանաներու աշխարհականորեն հագուիլը»: Այսինքն՝ Եկեղեցին զրկել իր ավանդակաւությունից ու նվիրականությունից: Ընդունելով հանդերձ այն խոսքը, թե հանդերձը չէ, որ հարգելի է դարձնում հոգևորականին՝ միաժամանակ շեշտում է. «Հրոնատըրը պէտք է կրօնաւոր ըլլայ ինչպէս իր հոգւոյն և կեանքի մէջ, նոյնպէս և իր բոլոր արտայայտութիւններուն, իր կենցաղին, իր վարքին ու բարքին, իր խօսքին, իր նիստուկացին և նոյնիսկ իր հագնուածքին մէջ»:

Գիտակցելով նաև, որ Գերագույն Հոգևոր Խորհուրդը սքեմի հարցը քննարկման է դրել այն պատճառով, որ Խորհրդային Միությունում ծավալված հալածանքների հետևանքով հոգևորականներն ի գորու չէին հոգևոր հանդերձներով դուրս գալ, տարբերակիչ մոտեցմամբ զարմում է, որ եկեղեցուց դուրս առանց սքեմի կարելի է շրջել միայն այն երկրներում, ուր պետական արգելող հանգամանքներ կան: Մերձավոր Արևելքում, քանի որ հայ կյանքն ու ավանդությունը առավել անխաթար վիճակում էին, ինչպես նաև այս երկրների մյուս ժողովուրդների և կրոնական հարանվանությունների սովորություններն ի նկատի ունենալով, այսպեղ պարտադիր է համարում հոգևորական փակեղը, պարեգուրը և վերարկուն, իսկ եվրոպական ու հեռավոր գաղթօջախներում «փոխանակ փակեղի՝ պարշաճ բեղույր մը միայն ընդունելով, և առնուազն պարեգօք մը ունենալով անհրաժեշտ, կլիմային համեմատ թանձր կամ թեթև վերնագգեստի մը հետ, իսկ բոլորովին աշխարհիկ զգեստը անպարշաճ է իսպառ՝ հայ հոգևորականին համար»:

«Զեկուցումը» անդրադարձել էր նաև քահանաների ապրուստի հարցին՝ գրեկով, թե արդեն ժամանակն է, որ քահանային պահի ոչ թե ծուխը, այլ նա կանոնավոր ամսական ստանա իր ծառայած թեմից: Թորգոմ Սրբազանը եկեղեցականի համար այս հարցը համարելով պարզ և կյանքի հարց, ճիշտ է գրելու «Զեկուցման» մեջ արքայապետի դիրքորոշումը: Նաև ավելացնում է, որ հիմա փոխվել է պարմական և տնտեսական այն վիճակն ու միջավայրը, որում գտնվում էին Հայ Եկեղեցին ու հայ քահանան մինչև Հայոց Մեծ եղեռը: Բուն հայրենիքում հայ գյուղացին իր բերքից բաժին էր հանում քահանային: Վերջինս ուներ նաև իր սեփական հողն ու անասունները և այս ամենով կարողանում էր ապրել: Եղեռնից հետո օտար ավերում հանգրվանած և համայնքային կյանքով խոր-խոր կազմակերպվել փորձող միջավայրում հնարավոր չէր շարունակել նախկին ծխական ընդունված կարգով. «Եկեղեցականը պէքք չէ ձեռք սրկարէ դրամի համար. իր իրաւունքը, ժողովարդին հոգևոր փութըը, Եկեղեցին պէքք է վճարի իրեն: Այս կերպով է որ կը փրկուի իր պարիսը»:

Ինչ՞ վերաբերում է Պահքի վերացմանը և Աստվածապաշտության լեզվին, Թորգոմ Սրբազանը, «Զեկուցմանը» համամիտ, գրելու է, որ Պահքը ոչ պէքք է վերացնել ե ոչ էլ պարտադրել, այլ կամավոր թուլնել, սակայն չի համաձայնում «Զեկուցման» մեջ արքայապետի այն մտքի հետ, որ Պահքը դադարել է կրոնական ապրում լինելուց և վերածվել է սովորույթի: Ասածը հիմնավորելու համար օրինակներ է բերում իր հովվական փորձառությունից:

Աստվածապաշտության լեզվի մասին «Զեկուցման» մեջ ասում է, թե գրաբարը, անհասկանալի դառնալով, անհասկանալի է դարձրել նաև նրանով կարարվող հասարակաց աղոթքը, որի պարզառով այն չի ծառայում իր նպատակին՝ «ստեղծել ընդհանուր կրօնական տրամադրութիւն աղօթքների մէջ»: Ասվում է, թե եղած առաջարկները՝ թարգմանել Ս. Գիրքը, աղոթքները ու շարականները, ցանկալի են, բայց դժվար իրագործելի: Ելնելով ստեղծված իրավիճակից՝ «Գերագոյն Հոգևոր Խորհուրդը հնարաւոր է գրելու թուրքարեւ, որ Ս. Գրքի որոշ հատւածները և Հայրերի թղթերը թարգմանաբար կարդացուին եղած թարգմանութիւններից օգտուելով, մինչև որ հնարաւոր կը լինի Ս. Գիրքը ամբողջովին թարգմանած տեսնել»: Թորգոմ Սրբազանը գրում է, որ այս մասին ժամանակին հայտնել է իր կարծիքը, որն էլ ամբողջությամբ մեջ է բերում:

Անհրաժեշտ է նշել, որ երանաշնորհ Պարթիարքն այս հարցին անդրադարձել է ոչ միայն հիշյալ գրությամբ, այլև «Հնդկահայքում» ու մի շարք ուրիշ հրապարակումներում, քանի որ, ինչպես անցյալ դարակեսից հայ իրականության մեջ քննարկվում էր գրական լեզվի հարցը՝ գրաբարից աշխարհաբարին անցնելը, որը պարմության մեջ հայտնի է գրապայքար անվանմամբ, նույն կերպ այս դարասկզբից Եկեղեցու բարեկարգության հարցի ներքո սկսվեց քննարկվել եկեղեցական արարողությունների լեզուն

լարիններենն ու հունարենը եկեղեցական լեզվում, թեև ոչ միայն ազգային եկեղեցի չեն, այլև իրենց եկեղեցական կառույցի մեջ մտնում են քարերը երկրներ ու ժողովուրդներ իրենց քարքերը լեզուներով:

Այս հիմնավորումներից հետո, իբրև ամփոփում-եզրահանգում աստվածապաշտության լեզվի մասին ասում է. «Ս. Պատարագը և աղօթքները և շարականները բոլորովին պահելով գրաբար, քարոզանման մեծ աղօթքները կարդալ միայն Աշխարհաբար, իսկ Տին Կրակարանի և Առաքելական ընթերցումները նույնպես կարդալ լույս կամ նաև Աշխարհաբար: Անտարանի ընթերցումները պետք չկայ բնաւ Աշխարհաբարի վերածելու. այնքան պարզ է անոնց Գրաբարը, ինչպես իրենց իմաստը»:

Այս շարքի վերջում հրապարակիչները գետնադրել են նաև «Առաջին քայլը» խմբագրականը, որը թեև նվիրված չէ «Ջեկուցման» մեջ արծարծված հարցերին, սակայն նրանում առավել հստակ է ցույանում Թորգոմ Սրբազանի ըմբռնումը բարեկարգության՝ որպես եղածի բարվոք պահպանության բուն էության և խորհրդի մասին: Բարեկարգության ճանապարհի առաջին քայլն է անվանվում խորեն Ա Կաթողիկոսի ուղշումը, որը նախորդել էր հայրապետական կոնդակին և «Ջեկուցմանը», Սրբոց Թարգմանչաց աշնանային փոնի ժամանակ կատարել նաև հայոց գրերի գյուտի և Ս. Գրքի հայերեն թարգմանության հիշատակը: Թեև հայրապետական այս փնտրի-նումը բարեկարգության հարցի պաշտոնական քննարկումը սկսելուց առաջ է կատարվել, սակայն Թորգոմ Սրբազանն ասում է, թե այս փնտրիմամբ խանդավառվողները ցանկանում են մի կապ փնտնել վերջինիս և Բարեկարգության հրահանգի միջև: Իր կողմից էլ ավելացնում, է, թե կարող ենք «Թարգմանչաց փոնի մրաժումը բարեկարգութեան ձեռնարկին իբրև ծրագիր կամ յարակածիր նկատել»: Թարգմանչաց փոնը գրերի գյուտով և Աստվածաշնչի թարգմանությամբ «Տուն ազգային և եկեղեցական» հռչակելով՝ անոնահացնում ենք հիշատակը Թարգմանչաց շարժման, և բարեկարգությունն էլ պետք է դիրքի այդ շարժման շրջագծում և բխեցնել նրանից:

Ըստ Թորգոմ Սրբազանի՝ բարեկարգությունը հենց հայ դպրության ոսկեդարն էր, իսկ բարեկարգիչները՝ մեր Սուրբ Թարգմանիչները: Ներկաբար բարեկարգությունը պետք է լինի «վերանորոգումը կամ շարունակությունը միայն անոնց ձեռքով արդ կատարումին. այսինքն՝ «աստուածագործ մշակութեան»՝ մեծ շարժումին»:

Ո՞րն էր Թարգմանչաց նպատակը հինգերորդ դարում և որը պիտի լինի մեր օրերում. «Մօտեցնել կրօնքը ժողովուրդին. այս միայն էր և եղաւ Անոնց նպատակը, իրենց գործին ամբողջ ընթացքին. այս պետք է լինի նաև հիմակ

* Չակերտներում բերվածը Կոլոյնի խոսքերն են:

հետապնդուելիք միակ բանը բոլոր այն աշխատութեանց միջոցին. զորս առաջադրած ենք ընկ»:

Այսպիսով, բարեկարգության բուն հարցը Էության մեջ է ն ոչ թե ձևական իր իսկ բնորոշմամբ երկրորդական, երրորդական և չորրորդական հարցերի գեղջման կամ հավելման մեջ, այլ «անիկա ժողովուրդներու կենսա-քին գերագոյն յեղաշրջումովը անուից հոգիին մեջ ետր ու փրկարար մարտի-պարի մը կառուցումն է. բան մը, որ, ինչպէս ըսինք, եղած-կատարուած է արդէն անգամ մը և ընդմիշտ մեր մեջ փասննիինց դարեր առաջ»:

Իբրև ամփոփում ասում է, որ բարեկարգության նպատակն է Եկեղեցին առավել մոտեցնել և ընտանի դարձնել ժողովրդին, բայց առանց եղծելու Նայոց Եկեղեցու Առաքելական, Արևելյան, Ազգային և վաղեջական նկարա-զիւր, որի համար անհրաժեշտ է ոչ միայն Եկեղեցին մոտեցնել ժողովրդին, այլև «եանել Ազգը, քրիստոնէական դասփարակութեամբ, Անտարանի բարոյական բարձրութեան»:

Այսպիսով, Թորգոմ Սրբազանի համար Նայ Եկեղեցու բարեկարգու-թյունը ոչ թե Եկեղեցու բողոքական ըմբռնմամբ ունփորմացիան է, նվիրա-պետական կարգի և ավանդության փոփոխությամբ, այլ եղած կարգի բարվոք պահպանությունը: Եկեղեցու բարեկարգության նպատակը, ըստ Թորգոմ Սրբազանի, չպետք է լինի նրա բաղկացուցիչ փարբերի փոփոխու-թյունը, այլ Եկեղեցին ժողովրդին և ժողովուրդը Եկեղեցուն մոտեցնելը, հոգևոր կյանքի վերանորոգությունն ու վերարձարծումը ժողովրդի կյանքում, որի համար անհրաժեշտ է ոչ թե պարզեցնել Եկեղեցու ծեսը, ժամակար-գությունը, լեզուն և, ընդհանրապէս, նվիրապետական ողջ կառույցը, այլ այս ամենը հաստի դարձնել ժողովրդին, եղածը պարզեցնելու փոխարեն ընկալելի դարձնել, որի համար էլ, Թորգոմ Սրբազանի ըմբռնմամբ, եկեղեցական բարեկարգության կենտրոնն ու առանցքը կազմում են պատրաստված հոգևորականները և բարեպաշտ ժողովուրդը: Այս երկու բարձունքների նվաճումը կհասցնի Եկեղեցու բարեկարգմանը, և Եկեղեցու բարեկարգման ուղին դեպ այս երկու բարձունքները փանող ճանապարհը գտնելն է: